

遗教三经

佛说

四

十

二

章

经

佛遗教经

又名佛垂般涅槃略说教诫经

八

大

人

觉

经

北京居士林敬印

遗教三经

佛说四十二章经

佛遗教经 又名佛垂般涅槃略说教诫经

八大觉经

北京居士林敬印



南無本師釋迦牟尼佛



三经简介

《八大人觉经》——八大人觉者，有八法为菩萨、声闻、缘觉、大力量人所觉悟故名。本经有注解：《八大人觉经略解》一卷。明，智旭著；《八大人觉经疏》一卷。（续法）述。

《四十二章经》——四十二章经是佛教流传于中国最早一部经，根据历史记载约在汉明帝永平年间，当时有迦叶摩腾与竺法兰二法师白马驮经来到洛阳鸿胪寺下榻，受到朝廷的重视与欢迎。帝下诏：让二法师在此译经传教，后改鸿胪寺为白马寺。这是中国有佛教和有寺院的开始。

《佛遗教经》——全称《佛垂般涅槃略说教诫经》。世尊释迦牟尼佛在世说法四十九年，其初转法轮度阿若侨陈如等五比丘，最后说法度须跋陀罗，所应度者皆已度讫。在八十岁时於娑罗双树间将入涅槃，是时中夜，寂然无声，为诸弟子略说法要。即本经，流传后世。

三经译者简介

安世高——安世高名安清，字世高。安息王之太子。父薨世高让国於叔，出家，博通经论，游化四方，遂来中国，汉桓帝时，建元二年来到洛阳，才机英悟，直通汉语，译诸经凡一百一十五卷。

鸠摩罗什——鸠摩罗什还有别名，今从略。罗什父鸠摩罗炎，天竺人，至龟兹国，婚於国王之妹，生罗什，后其母出家得道果。什年七岁遍游西域，总贯群经，最善大乘，时在龟兹。秦主苻坚建元十九年使吕光伐龟兹，获什至凉州，然而，后秦主姚兴伐凉，坚降之，什始至长安，兴以国师礼之，使人西明阁及逍遥园，译出众经凡三百八十余卷。

迦叶摩腾——又称摄摩腾，竺摄摩腾。中天竺人。汉明帝遣蔡愔等人去天竺求法，在西域巧遇迦、竺二法师白马驮经来东土传教，于是在永平十年与竺法兰共至洛阳译四十二章经等多经。

竺法兰——竺法兰者姓竺，名法兰，中印度人，汉明帝永平年间与迦叶摩腾共来我国译四十二章经，阿含经等多经。

佛说四十二章经

后汉迦叶摩腾、竺法兰同译

佛遗教经

又名佛垂般涅槃略说教诫经

姚秦三藏法师鸠摩罗什译

八大人觉经

西土圣贤集

后汉沙门安世高译

佛说四十二章经

后汉迦叶摩腾、竺法兰同译

经 序

世尊成道已。作是思惟。离欲寂静，是最为胜。住大禅定，降诸魔道。於鹿野苑中，转四谛法轮。度憍陈如等五人而证道果。复有比丘所说诸疑，求佛进止。世尊教敕，一一开悟。合掌敬诺，而顺尊敕。

第一章 出家证果

佛言。辞亲出家，识心达本，解无为法，名曰沙门。常行二百五十戒，进止清净，为四真道行，成阿罗汉。阿罗汉者，能飞行变化，旷劫寿命，住动天地。次为阿那含。阿那含者，寿终灵神上十九天，证阿罗汉。次为斯陀含。斯陀含者，一上一还，即得阿罗汉。次为须陀洹。须陀洹者，七死七生，便证阿罗汉。爱欲断者，如四肢断，不复用之。

第二章 断欲绝求

佛言。出家沙门者，断欲去爱，识自心源，达佛深理。悟无为法。内无所得，外无所求。心不系道，亦不结业。无念无作，非修非证。不历诸位而自崇最，名之为道。

第三章 割爱去贪

佛言。剃除须发而为沙门。受道法者，去世资财，乞求取足。日中一食，树下一宿，慎勿再矣。使人愚蔽者，爱与欲也。

第四章 善恶并明

佛言。众生以十事为善，亦以十事为恶。何等为十。身三，口四，意三。身三者，杀、盗、淫。口四者，两舌、恶口、妄言、绮语。意三者，嫉、恚、痴。如是十事，不顺圣道，名十恶行。是恶若止，名十善行耳。

第五章 转重令轻

佛言。人有众过，而不自悔，顿息其心。罪来赴身，如水归海，渐成深广。若人有过，自解知非，改恶行善，罪自消灭。如病得汗，渐有

痊损耳。

第六章 忍恶无瞋

佛言，恶人闻善，故来扰乱者，汝自禁息，当无瞋责。彼来恶者，而自恶之。

第七章 恶还本身

佛言。有人闻吾守道，行大仁慈，故致骂佛，佛默不对。骂止，问曰。子以礼从人，其人不纳，礼归子乎。对曰。归矣。佛言。今子骂我，我今不纳，子自持祸归子身矣。犹响应

声，影之随形，终无免离。慎勿为恶。

第八章 尘唾自污

佛言。恶人害贤者，犹仰天而唾。唾不至天，还从己堕。逆风扬尘，尘不至彼，还坌己身。贤不可毁，祸必灭己。

第九章 返本会道

佛言。博闻爱道，道必难会。守志奉道，其道甚大。

第十章 喜施获福

佛言。睹人施道，助之欢喜，得福甚大。沙门问曰。此福尽乎。佛言。譬如一炬之火，数千百人，各以炬来分取，熟食除冥，此炬如故。福亦如之。

第十一章 施饭转胜

佛言。饭恶人百，不如饭一善人。饭善人千，不如饭一持五戒者。饭五戒者万，不如饭一须陀洹，饭百万须陀洹，不如饭一斯陀含。饭千万斯陀含，不如饭一阿那含。饭一亿阿那

含，不如饭一阿罗汉。饭十亿阿罗汉，不如饭一辟支佛。饭百亿辟支佛，不如饭一三世诸佛。饭千亿三世诸佛，不如饭一无念无住无修无证之者。

第十二章 举难劝修

佛言。人有二十难。贫穷布施难，豪贵学道难，弃命必死难，得睹佛经难，生值佛世难，忍色忍欲难，见好不求难，被辱不瞋难，有势不临难，触事无心难，广学博究难，除灭我慢难，

不轻未学难，心行平等难，不说是非难，会善知识难，见性学道难，随化度人难，睹境不动难，善解方便难。

第十三章 问道宿命

沙门问佛。以何因缘，得知宿命，会其至道。佛言。净心守志，可会至道。譬如磨镜，垢去明存，断欲无求，当得宿命。

第十四章 请问善大

沙门问佛。何者为善，何者最大。佛言。行

道守真者善，志与道合者大。

第十五章 请问力明

沙门问佛。何者多力，何者最明。佛言。忍辱多力，不怀恶故，兼加安健。忍者无恶，必为人尊。心垢灭尽，净无瑕秽，是为最明。未有天地，逮於今日，十方所有，无有不见，无有不知，无有不闻，得一切智，可谓明矣。

第十六章 舍爱得道

佛言。人怀爱欲，不见道者，譬如澄水，致手搅

之，众人共临，无有睹其影者。人以爱欲交错，心中浊兴，故不见道。汝等沙门，当舍爱欲。爱欲垢尽，道可见矣。

第十七章 明来暗谢

谢
凋也。

佛言。夫见道者，譬如持炬入冥室中，其冥即灭，而明独存。学道见谛。无明即灭，而明常存矣。

第十八章 念等本空

念、行、言、修等事，本来皆空。空，真空实相也。

佛言。吾法念无念念，行无行行，言无言言，